

فيديو # ٧٨٦ من مقاطع حظر التجول تدربر البقرة حلقة ٨١ الآي

٧-٨٥

فاضل سليمان

وعليكم ورحمة الله وبركاته. اهلا بحضراتكم في المقطع رقم ستمية سبعة وثمانين من مقاطع حظر التجول والحلقة السابعة عشر من حلقات تدربر سورة البقرة ارجو من حضراتكم تجبيوا المصاحف. وافتتح معى سورة البقرة وابدا اقرأ معى من الآية تمانية وخمسين وتسعة وخمسين - 00:00:00

عشان تشوف الجحود اللي بجد بقى مع بني اسرائيل اقرأ معى كده تمانية وخمسين وتسعة وخمسين اعوذ بالله السميع العليم من الشيطان الرجيم وادن قلنا دخول الهاء. وادن قلنا دخول هذه القرية فكلوا منها حيث شئتم رغدا - 00:00:28

ودخول الباب سجدا وقولوا حطة نغر لكم خطاياكم وسنزيد المحسنين فبدل الذين ظلموا قولوا غير الذي قيل لهم فانزلنا على الذين ظلموا رجزا من السماء فانزلنا على الذين ظلموا رجزا من السماء بما كانوا يفسقون - 00:00:51

قبل ما نشوف النعمة دي نعمة رقم تمانية وهنبقى نعدهم في الآخر يعني عايز اقول لكم حكمة من حكم ابن عطاء الله السكندري قال من لم يشكر النعم لقد تعرض لزوالها - 00:01:30

ومن شكرها فقد قيدها بعقالها يعني اللي ما يشكرش النعم بيتعرض لزوال النعم منه. واللي يشكرها اكنه ربطها بالعقل. العقال ده هو الجبل اللي بيربط الدابة وكان لما يركبوا الدابة ياخد الجبل ده يلفه ويحطه فوق راسه. عشان كده في الخليج بيتحط حاجة اسمها العقال - 00:01:50

الاصل بتاعه ان ده الجبل اللي بيربط الدابة اسمه العقال. من لم يشكر النعم فقد تعرض لزوالها ومن شكرها فقد قيدها بعقالها. بني اسرائيل واضح ما كانواش يشكرروا النعم خالص - 00:02:23

لذلك ازيلت منهم زالت منهم النعم نعمة في السنة الثانية بعد الخروج من مصر فرض عليهم الجهاد امر الله النبي موسى صلى الله عليه وسلم لان بني اسرائيل يدخلوا فلسطين - 00:02:40

والقصة بتفاصيلها هنترطرق لها في سورة المائدة باذن الله لكنها مذكورة باقتضاب جدا وباختصار جدا في آآآ سورة البقرة زي بقية النعم كل واحدة منهم لها قصة لكنه مذكورين باقتضاب شديد في البقرة لأن الهدف مش الدخول في تفاصيل كل قصة. الهدف هو تعدد النعم اظهار - 00:03:01

العدد الكبير من النعم اللي ربنا انعم بها على بني اسرائيل ولم يشکروه هو ده الهدف اقرأ كده معى بقى الآية تمانية وخمسين وادن قلنا ادخلوا هذه القرية فكلوا منها حيث شئتم رغدا - 00:03:27

ودخولوا الباب سجدا. وقولوا حطة نغر لكم خطاياكم. وسنزيد المحسنين. سيدنا موسى امر بني اسرائيل يدخلوا قرية من قرى فلسطين ويأكلوا من خيراتها طالما انهم زهقوا من المن والسلو ادخلوا القرية وربنا هينصركم اذا حصل قتال - 00:03:48

والاختبار طاعتهم الاول امرهم بدخول الباب وفي تفسيرين للباب اما باب القرية او باب القبة اللي بيصلني باتجاهها موسى وبني اسرائيل يعني كان عامل كده زي خيمة كده لها باب آآ واطي - 00:04:13

لذلك مش شيء طبيعي ان باب القرية يكون باب واطي يعني الحاجة الثانية حتى عادة كان كلمة باب القرية بيطلق على المدخل بين جبلين مش باب باب باب يعني فعلا. واحيانا بعض القرى لها ابواب ولكن ليست - 00:04:33

ابواب العادية بتاعة البيوت يعني. العادات اللي يدخل منها الجمال فانا ارجح التفسير يكون ده باب القبة او المسجد اللي كانوا بيصلوا باتجاه موسى وبني اسرائيل قال لهم ادخلوا الباب ده ساجدين. هو عايز يختبر - 00:04:47

قاعتهم قبل ما يروح يجاهد بهم مش ضامنهم ادخلوا الباب ده ساجدين يعني في حالة انحنا من التواضع يعني زي ما الرسول عليه الصلاة والسلام كده دخل مكة وهو فاتح دخل ساجد على بعيره حتى كادت رأسه تلمس آه ظهر البعير - 00:05:07

مش دخول الفاتحين المنتزرين لا دخل متواضع. فقال لهم ادخلوا بهذا التواضع يعني واطلبوا من ربنا انه يغفر لكم خططيكم بانكم تقولوا كلمة بسيطة جدا هتقولوا حطة يعني يا رب حط عنا ذنبنا وحط عنا خطاياانا - 00:05:25

ادخلوا الباب ده وانتم ساجدين ومتواضعين وقولوا كلمة بسيطة جدا حطة. ربنا هيففر لكم خططيكم وسيزيد نعمه على المحسنين اللي هيطيعوه. هينصرهم فيدل الذين ظلموا قولوا غير الذي قيل لهم - 00:05:51

فانزلنا على الذين ظلموا رجلا من السماء بما كانوا يفسحون. عدد كبير منهم عندنا في اوامر الله دخلوا الباب بس مش وهم ساجدين لأن ده العكس قعدوا على مقعدتهم ودخلوا زحف زحفوا - 00:06:16

او دخلوا من غير ما يسجدوا بدلوا ما قيل لهم وبدل ما يقولوا حته قالوا حنطة. نوع من الحبوب. استهzaء بكلام الله وباوامر الله ده اه دي رواية من روايات القصة. هناك رواية اخرى - 00:06:35

هو ان سيدنا موسى عليه الصلاة والسلام ارسل اتناسير شخص يتتجسسوا على العدو ويحوز التجسس على العدو عند الحرب في الحرب بتجوز اشياء لا تجوز في غير الحرب فلما رجعوا - 00:06:56

اخبروه باللي هم شافوه في هذه القرية اتنين منهم كانوا ناس كويسيين وعايزين يجاهدوا في سبيل الله منهم هو يوشع ابن نون وده النبي بنى اسرائيل اللي هيقود بنى اسرائيل للنصر بعد آه وفاة سيدنا موسى - 00:07:15

ويقال هو الغلام اللي كان مع سيدنا موسى في الرحلة بتاعته لما كان رايه يقابل آه العبد الصالح اللي هو الخضر فواحد منهم يوشع ابن نون والثاني اسمه كالب ابن بافونة - 00:07:34

الاتنين دول دخلوا القرية لموا ثمار من ثمار القرية وجم يوروها لبني اسرائيل عشان يشجعوهم. وقالوا لهم ان العدو اية قوي صحيح لكن ممكن جدا هزيمته اذا شغلنا عقلنا واذا حاربنا ببسالة وبقوة وبشجاعة والكلام ده - 00:07:49

العشرة التانين جابوا نو وخافوا وناول لهم يقولوا لبني اسرائيل ان الارض لا خصبة ولا حاجة ومش حلوة قوي القرية ومش مستاهلة يحاربوا عشانها ولا بتاع. بالإضافة ان الحصون اللي فيها منيعة جدا ومعظم بنى اسرائيل هيموتوا لو حاولوا يفتحوها كانوا - 00:08:06

هي عملوا عملية تردد عند بنى اسرائيل. فسيدنا موسى لما قعد مع الاتناشر دول لما رجعوا ولو هيقولوا كده قال لهم لأ ما تقولوش الكلام ده. الكلام ده مش صحيح ويوشع وكالب لهم وجهة نظر افضل. واحنا ده الكلام اللي هيتقاول - 00:08:27

لما سيدنا موسى طلب من بنى اسرائيل ينصتوا يعني استنصرت بنى اسرائيل لكتب يعني طلب منهم ينصتوا لكتب خالد ابن بافي ما طلع وقال الكلام اللي هم عايزين يقولوه وطلع العشرة التانين قالوا لأ الكلام ده مش صحيح وقالوا كلام تاني خالص غير اللي اتفقوا عليه مع سيدنا موسى عشان يكون كلامهم كله موحد وكانوا - 00:08:42

سبب في تخويف بنى اسرائيل مما جعلهم يتركوا فريضة الجهاد. فورا حصل ايه بقى ؟ فانزلنا على الذين ظلموا رجزا من السماء بما كانوا يفسقون. اللي ظلموا انفسهم دول سوء بقى - 00:09:05

انعandوا ودخلوا بمقعدتهم دي رواية. او العشرة اللي آه اه بدلوا الكلام وقالوا كلام مش صحيح نزل عليهم ريدجز من السماء رجز يعني عزاب فيقال نزل عليهم مرض نزل عليهم طاعون. طبعا زمان كان كل مرض بيجي يتفشى بيسموه طاعون. لكن ممكن يكون بقى احنا النهاردة بقى خلاص بقى بقينا اساتزة بقى في الامراض - 00:09:22

كورونا او ميكرون نزل فيروس معين اصاب الذين ظلموا فقط وقتلهم فورا بسبب ايه ؟ بما كانوا يفسقون بسبب فسقهم وقلنا الفسق هو الخروج من شرع الله والخروج عن اوامر الله - 00:09:51

طبعا باقي القصة بعد كده بقى ان ربنا كتب عليهم التيه ما هو خلاص ما هو بني اسرائيل رفضوا الجهاد ربنا كتب عليهم انهم يتوهوا في صحراء سيناء اربعين سنة بيلفوا حوالين نفسهم - [00:10:14](#)

مات اسناء التيه سيدنا هارون ومع الوقت على اخر الوقت كده مات سيدنا موسى كمان في التيه ثم مات الجيل الجبان كله وزهر جيل جديد اللي رباه سيدنا موسى تربية ايمانية وكم تربتهم يوش ابن نون وفتح بهم فلسطين - [00:10:26](#)

فلسطين لل المسلمين على مر التاريخ هي حق للمسلمين واتكلمنا في الموضوع قبل كده في سورة الاسراء على مر التاريخ لنا ارض مباركة لا تحق الا للمؤمنين بالله اخونا شعبان اثار نقطة مهمة جدا - [00:10:50](#)

انا قعدت افكر فيها طول الليل اين ذكر الشيطان ليه ربنا لم يذكر الشيطان نهايائ؟ هنا الحقيقة انا في التدبر بيستوقفني صياغة الآيات لقيت ان في شبهة بينها وبين ايات قصة ادم - [00:11:11](#)

ركز كده معي واذ قلنا واذ قلنا ادخلوا هذه القرية ثانية واحدة كده اجيها لكم واذ قلنا ادخلوا هذه القرية فكلوا منها حيث شئتم رغدا. سمعتم الصيغة دي قبل كده - [00:11:34](#)

واذ قلنا ادخلوا هذه القرية الجنة تكون منها حيث شئتم رغدا. احنا سمعنا الكلام ده في قصة ادم وقلنا يا ادم اسكن انت وزوجك الجنة وكلنا منها رغدا حيث شئتما - [00:12:00](#)

نعم ربنا الكثيرة تزول بكتيرها وعدم شكرها. في حالة ادم وحواء حصل ايه لما كفروا النعمة ما هو ربنا امرهم بامر. اداهم النعم دي كلها وقال لهم ما تاكلوش من الشجرة دي بس. يعني الحرام عندهم بدل ما يبقى - [00:12:21](#)

قيمة طويلة كده لأ حاجة واحدة بس حرام ما قدروش عليها حصل ايه فازلهم الشيطان عنها فاخرجهم مما كانوا فيه. قلنا اللي ما يشكرش النعم بيتعرض لزوالها الشيطان وسوس لهم - [00:12:42](#)

عصوا ربنا تركوا امره زالت النعمة. في حالة بني اسرائيل مين اللي وسوس شياطين الانس وسوسوا لبني اسرائيل بمعصية الله ومعصية الرسول. وانتهى الامر بهم انهم فقدوا النعمة. اذا الشيطان - [00:13:02](#)

لم يظهر في معظم قصص بني اسرائيل لان الشيطان عادة بيفسر عندهنا بشيطان الجن وكثير من معاصينا يا جماعة سبها وسوسه شياطين الانس مش الجن شياطين الانس اللي بيتكلموا وبنسمع لهم - [00:13:22](#)

زي العشرة اللي عصوا سيدنا موسى وسمعوا لهم بني اسرائيل فتركوا فريضة الجهاد ومعهم معهم بلاوي بني اسرائيل واحطائهم بسبب سماعهم للشياطين الانس سنة في البقرة وردت آآ اذا خلوا الى شياطينهم قالوا انا معكم - [00:13:42](#)

يعني المنافقين لما بيبقى مع الشياطين يعني مع احبار اليهود بيقولوا لهم احنا معكم انت حينما نحن مستهزئون ده احنا بنقول للمؤمنين احنا مؤمنين استهزاء بهم لكن ازا معظم بلاويهم بسبب انهم سمعوا لاحبارهم - [00:14:10](#)

اخبرهم يعني الشيوخ بتوعهم. انا باقول لكم ما تسمعوش الشيوخ لكن خلي عندهك عقل شف انت بتسمع لمين. ما بتسمعش لاي حد المسألة وصلت لمراحل ان اي حد يقدر يعمل فيديو بيعمله وبيبقى شيخ وبيسمع له وبيبقى حتى لو قال كلام مجاني - [00:14:28](#)

في ناس بتطلع تلوث العقول تطلع تلوث العقول فيديوهات على يوتيوب بتلوث العقول فيسبوك بتلوث العقول طيب مش بس وسوسه الشيطان لزلك انا انا بصراحة السؤال اللي سأله شعبان امبارح وخلاني طول الليل عمال افكر فيه فعلا الشيطان مش مذكر خالص - [00:14:49](#)

مقصودة عشان الناس مش كل حاجة ترميها على ابليس لا. في في شياطين انس اخطر الف مرة رمضان ما رمضان مليان معاشي. طب ما هو الشياطين مسلسلة. هلا. اللي مسلسل دا شياطين الجن - [00:15:11](#)

لكن من شياطين انس شياطين انس بتستعد لرمضان من دلوقتي نعمة اخرى بقى تعال نشوفها. ربنا ذكرها. ربنا ذكر بها بني اسرائيل بصوا معي في الاية ستين واذ استسقى موسى لقومه فقلنا اضرب بعاصك الحجر فانفجرت منه اثنتا عشرة عينا. قد علم كل - [00:15:27](#)

كل اناس مشريهم كلوا واشربوا من رزق الله ولا تعثوا في الارض مفسدين لما خرجوا من مصر اول ما خرجوا ما فيش تاني شهر قبل

ما يوصلوا سيناء خلي بالك النعم دي مش بالتسليط بتاعها. ما هياش بالترتيب التاريخي - 00:15:51

لما خرجوا من مصر قبل ما يوصلوا سيناء طبقاً للتوراة قبل ما يوصلوا سيناء مشيو شوية في الصحراء الماء اللي معهم بدأ ينفذ بدأوا يعطشوا كانوا بيشربوا نفسهم وكمان بيطلبخوا بالمية دي اللي معهم اللي شايلىها. وبيشربوا المعيز بتاعتهم. وكان معهم اغنان. هم اصلاً كانوا فترة لغاية ما ربنا انزل المن والسلوى كانوا - 00:16:15

على البن بتاع الاغنام فراحوا لسيدنا موسى لما بدأوا يعطشوا وتذمرروا عليه الولو اتصعدنا من مصر اتصعدنا من انت بتطلعنا من مصر لنموت واولادنا ومواشينا عطشاً. هو طلعكم غصب عنكم. اده انتم كنتم مستعبدين - 00:16:39

وبعدين ما فيش اي احترام لانبياً لهم بيشفوفوا الطريقة بيتكلموا بها. يعني الصحابة طلبو من النبي عليه الصلاة والسلام انه يدعوا الله انه ينزل المطر بس. طلبه بادب يعني اعرابي راح للنبي قال له ايه؟ هلك الزرع والضرع - 00:17:09

ادعو لنا الله ان يسقينا ده اعرابي اعرابي يعني مش حد مسقف ولا متعلم ومعروفين حتى الاعراب احينهم بالجفاف كده في الكلام. بص بيطلب ازاي هلك الزرع والضرع فادعوا الله ان يسقينا - 00:17:25

ادم موجود عند الناسبني اسرائيل راحوا وطلبوها بمنتهي قلة الادب. ان سيدنا موسى يحل لهم المشكلة فسيدنا موسى استسقى الایة ما بتقولشي استسقى الله واذ استسقى موسى لقومه. لأن استسقى يعني استسقى الله لا احد لا يملك نزول المطر الا الله - 00:17:43

واذ استسقى موسى لقومه فقل نضرب بعصاك الحجر. اه العصاية زهرت تاني ايه يبقى معروف طبعاً اي عصاية. العصا بتاعة سيدنا موسى دي اصلاً عصايتها هو. دا ربنا مش منزلاها من السما - 00:18:08

دي العصا اللي ربنا سأله وما تلك بيمنيك يا موسى؟ وايه اللي في ايديك دي؟ العصاية بتاعته طول عمره قال هي عصايا اتوكاً عليها واهش بها على غنميه ولها منافع اخرى. فربنا ورها له بقى. العصاية دي عملت تلات معجزات - 00:18:27

كبيرة جداً اول معجزة تحولت الى افعى حقيقة اكلت العصا والحبال بتاعة الصحراء عشان كده الصحراء امنوا عرفوا ان اللي عمله ده مش سحر السحر بيسحر اعين الناس فيتخيل لهم اشياء مش حقيقة - 00:18:44

لكن ده مش سحر ده العصايات فعلاً تحولت الى ثعبان الحاجة الثانية العصا دي شقة البحرين الصيني الحاجة الثالثة العصا دي فجرت الماء من الحجر فقل نضرب بعصاك الحجر فانفجرت منه اثنتا عشرة عيناً - 00:19:02

ازاي يعني؟ يعني السيد موسى يضرب حجر ينفجر منه اتناشر عين! لأن مش حجر واحد الحجر هنا مش حجر معين. اضرب بعصاك الحجر يعني الحجارة. جنس الحجارة اضرب اي حجر انت تختاره - 00:19:23

ده معناها الحجر اي حجر وهيخرج منه الماء فسيدنا موسى مم. اختار اتناشر حجر بعد عن بعض وضرب هنا وضرب هنا انفجر اتناشر عين ماء الاتناشر عشانبني اسرائيل اتناشر سبط - 00:19:42

اللي هم اولاد سيدنا يعقوب. لما تناسلوا نسل كل واحد منهم اصبح سبت بقى اسمهم الاسباط اليهود ما يقولوش القبائل عندهم اسمها الاسباط كل سيدنا موسى فجر عين ماء لكل سبط - 00:20:04

المنطقة دي خارج مدينة السويس بحالي تلاتين كيلو وتعرف بعيون موسى. فيها اتناشر واحدة. كل واحدة فيها عين ماء يقال هي دي المنطقة وطبقاً ده ده يوافق الكمال الموجود في التوراة فعلاً - 00:20:24

الوصف المنطقة في التوراة سؤال بقى ربنا اذا اراد شيئاً يكفي ان يقول له كن فيكون ليه امر موسى يضرب بعصاه الحجر يعني؟ وهو الذي يستطيع اخراج الماء دون كل ذلك - 00:20:38

ده سؤال من الاسئلة المهمة جداً نسألها بعفونا ربنا اراد انه يجعل نظام الكون ما هو اوش جلا جلا زي نزام السحره كده. اللي هو جلا جلا يزه الماش عارف ايه. لا - 00:20:59

نظام الكون اللي ربنا خلقه قائم على ربط المسببات بالأسباب عاوز تنجح لازم تزاكى عاوز تكسب المال لازم تشتلل. عاوز ماء وما فيش ماء ربنا جعل موسى يعمل عمل معين حتى لو العمل ده مش الطبيعي بتاعه انه يؤدي الى خروج ماء. لكن لازم يعمل حاجة -

وهو انه يضرب بعصا الحجر وربنا بعد كده هيبارك ويطلع الماء. لكن مش بصل اهو الماية طلعت اهي لا السيدة مريم عاوزة تمر عاوزة تاكل عاوزة تشربى تعانة بعد الولادة - 00:21:41

هزي بجذع النخلة ربنا قال لها وهزى اليك بجذع النخلة تساقط عليك رطبا جنبا معقول بنت صغيرة عندها اتناسن سنة واسه والدة هتهز نخلة ده عشر رجاله ما يقدروش يهزوا نخلة - 00:21:56

الناس بس اللي عارف فاكرین النخلة دي كانت بتتميل كده لأ عشر رجاله ما قدروش يهزوا النخلة لكن ربنا اراد انه يبقى النظام في الدنيا ان كل شيء كل نتيجة تترتب على عمل - 00:22:15

حتى لو العمل ده لا يؤدي الى هذه النتيجة. في الطبيعي ربنا بيتدخل بيبارك فيؤدي العمل الى نتيجة. لكن ما فيش نتيجة هتتيجي هنا فجأة ده نزام الكون ودي المعاني المهمة جدا اللي احنا نفكرا فيها لأن هو الدال المعاني اللي بتفهمنا ربنا خلق الدنيا دي بيسيرها ازاي - 00:22:31

يلا بقى ستين تاني كده واذ استسقى موسى لقومه فقل نضرب بعصاك الحجر فانفجرت منه اثنتا عشرة عيننا قد علم كل اناس مشربهم كل سبط عرفوا العين بتاعتهم لا يشتروا منها - 00:22:56

كلوا واسربوا من رزق الله ولا تعثروا في الارض مفسدين كتير مننا بيسعروا بالغبطة الحقيقة. من كتر الفرص اللي اخدوهابني اسرائيل عمال يجي لي مسجات منكم ممكن نفهم هو ليه ربنا مدعيهم الفرص دي كلها - 00:23:15

يعني يعني واضح جدا حضرتك انهم ما يستاهلوش مين فيكم شايف كده ان انا بصراحة متغاظ. شايف نفسه متغاظ من كتر الفرص اللي خدوها. وهم لم يشكروا النعم وما يستهلوهاش - 00:23:34

لو انت شايف كده اسأل نفسك انت زرت لنفسك الاول؟ عديت نعم ربنا عليك هل شاعر انك انت بتشكر النعم بتاعة ربنا عليك كفاية قبل ما تنزر للتصصير الناس انزر لتصصيرك انت - 00:23:52

احنا اصلنا يا جماعة اتعودنا نقرأ قصصبني اسرائيل ونضحك عليهم ونعيي عليهم وربنا قال ايه بقى؟ مثل الذين حملوا التوراة ثم لم يحملوها كمثل الحمار يحمل اسفارا. ونضحك لو انت فاهم الاية بتقول ايه - 00:24:09

اللعيبة بتكلمك انت الاية دي معناها ان مثل الذين حملوا القرآن ثم لم يحملوه كمثل ايه؟ غزالان يعني حمير برضه الله كل قصصبني اسرائيل نازلة لنا احنا لتحذرنا احنا. الله - 00:24:30

هم وكل اليهم حمل لواء دعوة الاسلام ثم سحب منهم هذا العهد لما كفروا بانعم الله بنعمة ربنا ولم يشكروا نعمة ربنا. الكلام ده لازم تقره وتهز من جواك وتخاف. مش تضحك عليهم - 00:24:49

اليهود على فكرة لم يكفروا بوجود الله. ولم يكفروا بنبوة موسى. اليهود كفروا النعمة وال المسلمين دلوقتي ايه نظامهم بقى ان شاء الله الحمد لله مؤمنين بالله. مؤمنين بنبوة محمد عليه الصلاة والسلام. لكن هل احنا بشكر نعمة ربنا - 00:25:07

هو ده السؤال اللي كل واحد لازم يسأله لنفسه انت بتقرأ القرآن عشان يربيك ويغيرك انت مش تقرأ قصص ناس قل لي القصص دي عبرة لنا احنا ولو المسلمين كفروا النعمة لن يجدوا الا نفس المصير. لذلك كل هذا القصص لنا احنا عشان ناخذ منه العباره. لكن ان شاء الله ان شاء الله - 00:25:25

ظل هذه الامة هي الامة التي تحمل لواء الاسلام لوجود حاجتين. هم دول الحاجتين دول اللي بيضمونوا ذلك. القرآن والسنة القرآن والسنة عشان الناس اللي بتستهين بقدر السنة بدون السنة - 00:25:49

ما تعرفش تعبد ربنا ولا عبادة من العبادات انت هتتعرف تعبدها بدون السنة عشان تبقى عارف نتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك - 00:26:10

اللهم ما رزقنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب اللهم اجعل حبك احب اليها من اهلينا واموالنا ومن الماء البارد على الظما - 00:26:28

اللهم حبنا اليك والى ملائكتك وانبيائك ورسلك وعبادك الصالحين. واجعلنا من يحبك ويحب ملائكتك انبيائك ورسلك وعبادك الصالحين. اللهم احيي قلوبنا بحبك واجعلنا لك كما تحب. اللهم اجعل نحبك بكل قلوبنا ونرضيك بكل اجسادنا. اللهم اجعل حبنا كله لك وسعينا كله في مرضاتك - 00:26:45

اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا. اللهم فاطر السمااء - 00:27:16

السماءات والارض عالم الغايب والشهادة انت تحكم بين عبادك فيما كانوا فيه يختلفون فبحق كل حرف في كتابك او تدبرناه. اكفنا واهلينا واخواننا شر كل من يكيد لنا ولهם. واحفظنا واياهم من شرورهم. ونجعل - 00:27:35

اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بننصرك المرابطين في الارض المباركة فلسطين. وكن معي اخواننا في تركستان الشرقية وفي الشام وفي كشمير وفي الهند وفي سريلانكا. وانصر كل من نصرهم واخذل كل من خذلهم. وظهر - 00:27:55

الاقصى من الدنس فانهم لا يعجزونك اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من علمائنا مريض - 00:28:22

به او حاملا له فاليسه ثوب الصحة والعافية عاجلا غير اجل. ومن لم يصب به فقه شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك - 00:28:36

وتعاهدت على نصرة شريعتك. فوثق اللهم رابطتها وادي مدها واهدها سبلها واملأها بنورك الذي لا يخبو واشرح صدورها بفيض الايمان بك وجميل التوكل عليك واحيها يا رب ربنا بمعرفتك يا مولانا على الشهادة في سبيلك. انك نعم المولى ونعم النصير. وصلي اللهم وسلم على سيدنا - 00:29:00

محمد وعلى الله وصحابه ومن تبع هداه. والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - 00:29:25